



MOHAMED Asin Dollah (tiga dari kiri) bersama pelajar yang mendapat tempat kedua dalam Pertandingan Debat Perdana Pengguna Siswa 2012 di UKM, Bangi, Selangor, baru-baru ini.

USIM naib juara Debat Perdana Pengguna Siswa 2012

SEREMBAN 5 Jun - Meskipun pasukan debat bahasa Melayu Universiti Sains Islam Malaysia (USIM) berjaya ke peringkat akhir Pertandingan Debat Perdana Pengguna Siswa 2012 namun mereka terpaksa akur dengan kehebatan pasukan tuan rumah pada pertandingan di Universiti Kebangsaan Malaysia, di Bangi, baru-baru ini.

Pasukan debat UKM yang dianggotai Mohd. Daniel Baharuddin dan Najah Izzati Sulaiman muncul johan dan membawa pulang wang tunai RM5,000 beserta piala pusingan, piala iringan dan sijil penghargaan.

Pasukan debat USIM yang diwakili Mohd. Ikhwan Rosseli dan Muhammad Shah Izad Salleh yang menjadi naib juara, meraih hadiah wang tunai RM4,000 termasuk piala iringan dan sijil penghargaan.

Pertandingan itu disertai oleh 72 pasukan mewakili 50 institusi pengajian tinggi seluruh negara.

Timbalan Naib Canselor (Hal Ehwal Pelajar dan Alumni) USIM, Prof. Datuk Dr. Mohamed Asin Dollah berkata, menduduki tempat kedua sudah cukup membanggakan USIM memandangkan ia melibatkan penyertaan begitu banyak IPT.